

Morning Regional Dogri News Bulletin, 03rd June 2025

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें दुनिया दिएं बडिडएं सिविल हवाबाजी कंपनिएं गी भारत च रासपूंजी लाने दा साददा दिंदे होई आखेआ ऐ जे भारत इस श्रेय च दुनिया दा त्रीआ सब्बने शा बड्डा बजार ऐ।
- उपराज्यपाल मनोज सिन्हा ते मुख्मंत्रि उमर अब्दुल्ला होरें ज्येष्ठ अष्टमी ते माता क्षीर भवानी मेले दे मौके पर लोकें गी शुभकामना ते ममारकबाद दितत् ऐ।
- जम्मू कश्मीर विधानसभा दे स्पीकर अब्दुल रहीम राथर होरें सब्बने सदन समितिएं दे अध्यक्षें गी विधानसभा सचिवालय ते सरबंघत मैहकमे कन्नै नेड़मा तालमेल बनाइयै कम्म करने लेई आखेआ ऐ।
- जम्मू दे डिवीजनल कमीशनर रमेश कुमार ते पुलस दे आईजी होरें औंदी श्री अमरनाथें जी दी यात्रा लेई सुरक्षा ते होरने इंतजामें दी समीक्षा कीती।
- आईपीएल 2025 दा खजाबी मैच अज्ज अहमदाबाद च रॉयल चैलेंजर्स बैंगलुरु ते पंजाब किंग्स दे बश्कार खेड्डेआ जाग।

<><><><><><>

PM-IATA

प्रधानमंत्री नरेन्द्र मोदी होरें आक्खेया जे भारत अंतरिक्ष ते सिविल हवाबाजी क्षेत्र च कुलसंसारी लीडर दे तौरा पर उभरारदा ऐ। नमीं दिल्ली दे भारत मंडपम च कल्ल अंतर्राष्ट्रीय हवाई यातायात संघ दी 81मीं सलाना आम बैठक ते विश्व हवाई यातायात गी किट्टै संबोधत करदे होई प्रधानमंत्री होरें आक्खेया जे सिविल हवाबाजी क्षेत्र च पिछले इक्क दहाके सवां ऐतिहासक विकास होआ ऐ। श्री मोदी होरें आक्खेया जे उड़ान योजना दी कामयाबी भारत दे सिविल हवाबाजी क्षेत्र च सर्विणम ध्याह ऐ।

<><><><><><>

LG-Jyeshtha Ashtami

उपराज्यपाल मनोज सिन्हा होरें अज्ज ज्येष्ठ अष्टमी दे मौके पर सब्बने गी खास शुभकामनां दित्तियां न। अपने सनेए च उपराज्यपाल होरें आखेआ जे माता क्षीर भवानी जम्मू कश्मीर दे सब्बने लोकें पर अपना अर्शीवाद बनाई रखे ते जम्मू कश्मीर च शांति, रमानदारी ते तरक्की बाद्धे लेई अपनी कृपा करे। उपराज्यपाल होरें कामना कीती ऐ जे एह ध्यार आपसी भाईचारे ते इकजुटता आली भावना रखे। उनें सब्बने गी अपील कीती जे इस पवित्र मौके पर राष्ट्र दे समाज दे हिलें लेई अग्रे आइयै अपनियां सेवा देन।

<><><><><><>

CM-Kheer Bhawani

मुख्यमंत्री उमर अब्दुल्ला होरें अज्ज माता क्षीर भवानी मेले दे पवित्र मौके पर जम्मू कश्मीर दे लोकें गी शुभकामनां दित्तियां न। अपने सनेए च मुख्यमंत्री होरें आखेआ जे एह ध्यार आपसी भाईचारे ते रमानदारी दी प्रतीक ऐ जेहड़ा जम्मू कश्मीर दी सगोसार संस्कृति गी केइएँ सदिएँ थमां दर्शादा ऐ। मुख्यमंत्री होरें जम्मू कश्मीर दी शांति, रमानदारी ते तरक्की बाद्धे लेई कामना बी कीती। उमर अब्दुल्ला होरें आखेआ जे मेला क्षीर भवानी सदा थमां गै आपसी भाईचारे दी इक नूठी मिसाल रेहा ऐ। उनें मेद बुज्झी ऐ जे हालात सामान्य होने मगरा कश्मीरी पंडित समुदाय दे लोकें दी घटी च मान-सम्मान कन्नै वापसी होग।

<><><><><><>

CM-Urs

मुख्यमंत्री उमर अब्दुल्ला होरें हजरत मीर सैयद अली हमदानी जिनेंगी शरदा कन्नै शाह-ए-हमदान बी आखेआ जंदा ऐ हुंदे सलाना एर्स दे मौके पर कल जम्मू कश्मीर दे लोकें गी शुभकामनां दित्तियां। अपने ममारकी सनेए च मुख्यमंत्री होरें महान सूफी संत गी श्रद्धांजलि भेंट करदे होई कश्मीर दे सांस्कृतिक, समाजी ते आध्यात्मिक ताने बाने गी मजबूत बनाने च उंदे योगदान गी चेता कीता। उनें आखेआ जे शाह-ए-हमदान हिर्खप्रेम, रमानदारी, सद्भाव ते भाईचारे दी इक प्रतिमूर्ति हे जिंदियां सिक्खेआ सदा सदा लेई औने आलिएं पीढ़िएं गी प्रेरत करदियां रौंहगन। इस पवित्र मौके पर मुख्यमंत्री होरें जम्मू कश्मीर दी तरक्की, रमानदारी ते खुशहाली लेई प्रार्थना बी कीती। ,

<><><><><><>

Speaker LA

जम्मू कश्मीर विधानसभा दे स्पीकर अब्दुल रहीम राथर होरें हाल च खडेरी गेदिएं सदन समितिएं दे अध्यक्षें गी जोर देइयै आखेआ ऐ जे ओ अपनी अपनी कमेटी दे कम्मे गी मता कुशल ते असरदार बनाने लेई विधानसभा सचिवालय कन्नै नेड़मा तालमेल बनाइयै कम्म करन। कल उनें 9एं सदन समितिएं दे अध्यक्षें दी बैठक सदिदयै उंदे कन्नै जिम्मेवारी, तौर तरीके ते नियमें कायदे दे बारे च चर्चा कीती ही। बैठक दरान स्पीकर होरें सब्बने समिति अध्यक्षें गी उंदिएं जिम्मेवारिएं ते भुमका दे बारे च बी दस्सेआ जे जोर देइयै आखेआ जे ओ कुशल, असरदार, पारदर्शी ते लक्ष्य आधारित नतीजे हासल करने लेई सरकार दे बक्ख-बक्ख विभागें कन्नै बी नेड़मा तालमेल बनाइयै कम्म करन

<><><><><><>

Prog. Annoucement Viksit Krishi

आकाशवाणी जम्मू दा क्षेत्रीय समाचार एकांश इस्सलै जारी विकसित कृषि संकल्प अभियान बारै 30एं मिनटें दी इक विशेष परिचर्चा प्रसारित करा'रदा ऐ। एह परिचर्चा कल 3 जून गी दिनें साङ्गे 12 बजे प्रसारित होग। इस परिचर्चा च स्हाड़े परौहने होडन प्रो. अमरीष वैद डरैक्टर एक्सटेंशन स्कॉस्ट जम्मू ते प्रो. पवन कुमार शर्मा प्रो. एग्रीकल्चर इकनामिक्स स्कास्ट जम्मू। इनें विशेषज्ञें कन्नै गल्लबात करडन स्हाड़े न्यूज एंकर विजय बजाज ते अभिलाषा शर्मा। एह परिचर्चा करसानें दी भलाई-बेहतरी ते उंदे पूरे-पराते विकास लेई चलाई जा'रदी योजनाएं पर आधारित ऐ। तुस एह कार्यक्रम स्हाड़े इस्सै चैनल पर डमकपनउ ूअम 990 झपसव ीमतज ते थड 100 इशारिया 3 डमहं भमतज पर सुनी सकदे हो।

<><><><><><>

Div.Com Amarnath Yatra

जम्मू दे डिवीजनल कमीशनर रमेश कुमार ते आईजीपी जम्मू जोन भीम सेन टूटी होरें औंदी श्री अमरनाथ जी दी यात्रा दी तैआरिएं दी समीक्षा करने लेई इक बैठक सददी। बैठक च डिवीजनल कमीशनर होरें मुत्तलका जिला प्रशासने गी निर्देश दित्ते जे लखनपुर थमां लेइयै जम्मू ते पीर रामबन तगर आरएफआईडी काउंटर ते पंजीकरण केन्द्र स्थापत करने दी प्रक्रिया गी तौले शुरू करन। एहदे अलावा उनें आरएफआईडी काउंटरें लेई अगले दी सिखलाई तौले शुरू लेई बी आखेआ। बैठक च ट्रैफिक प्रबंधन यातायात, सेहत सहूलतां बिजली दी सप्लाई, सीसीटीवी कैमरे लाना, पार्किंग दी सुविधा ते यात्रुएं दी रौहने बौहने आली थाहरें पर बुनियादी सहूलतां उपलब्ध करोआने सनें सुरक्षा जकीनी करने बारे बी व्यापक जायजा लैता गेआ।

<><><><><><>

Dar-Eid Meeting

राई-बाई, ग्रामीण विकास ते पंचैती राज मंत्री जावदे अहमद डार होरें कल सिविल सचिवालय च इक उच्ची सतह् दी बैठक दी अध्यक्षता करदे होई समूलवे जम्मू कश्मीर च औंदी ईद दिएं तैआरिएं दी समीक्षा कीती। बैठक च ईद समारोहें गी ध्याने च रखदे होई होई बिजली, पानी दी सप्लपाई, किट्ठे आली थाहरे सुरक्षा ते डाक्टरी टीमें दी तैनाती, ट्रैफिक प्रबंधन, गड्डियां खडेरने लेई पार्किंग, लोकें दी बवस्था आले ढंगै आओजाई लेई लोडचदे प्रबंधें गी जकीनी बनाने दे कन्नोकन्नी, कुर्बानी दे बकरे-भिड्डुएं दी बिक्री आली थाहरे दी शनाख्त ते सरबंधत होर दुए प्रबंधें बारे बी तफसीली चर्चा कीती गई।

<><><><><><>

DC Udhampur Eid Meeting

औंदी ईद दे सिलसिले च तैआरिएं गी मुकदा रूप देने लेई कल उधमपुर च जिला विकास कमीशनर सलोनी राय हुंदी अध्यक्षता च इक बैठक लग्गी जेहूदे च इस आयोजन लेई कीती गेदिएं तैआरिएं दा जफसीली जायजा लैता गेआ। मुख्य इंतजामें च ईद दरान बिजली-पानी दी सप्लाई, अगग स्थालने बाली गड्डिएं दी बवस्था, बजारै च बिकने आले समेयान दे मयार ते कीमतें पर तक्क रखने, साफ सफाई ते ईद दी नमाज ते होरने समारोहें दरान सुरक्षा बंदोबस्तें बारे बी तफसीली चर्चा बैठक दरान कीती गई।

<><><><><><>

CS-SBM

मुख्य सचिव अटल डुल्लू होरें इक उच्ची सतह् दी बैठक दी अध्यक्षता करदे होई केन्द्र शासत प्रदेश जम्मू कश्मीर च एएमआरयूटी 2.0 स्कीम ते स्वच्छ भारत मिशन 2.0 तैहत इसलै जारी सब्बने परियोजनाएं गी सबूरा करने दे निर्देश दित्ते। उनें मुत्तलका अधिकारिएं गी आखेआ जे इनें दवै योजनाएं दे कम्में गी पैहल दी बिनाह पर सबूरा करना जकीनी बनान। शैहरी विकास परियोजनाएं दा जायजा लैंदे होई मुख्य सचिव होरें एएमआरयूटी स्कीम ते स्वच्छ भारत मिशन गी “प्रगति प्रोग्राम” करार दित्ता। उनें जोर देइयै आखेआ जे इनें प्रोजेक्टें दी जमीनी सतह् पर अमलावरी गी तौले शा तौले जकीनी बनाया जा। बैठक दरान मुख्य सचिव होरें गी जानकारी दित्ती गई जे “स्वच्छ भारत मिशन” तैहत केई टकोह्दी उपलब्धियां हासल कीतियां गेइयां न।

<><><><><><>

RTO Ramban(byte)

रामबन दे आरटीओ दफ्तर आस्सेआ नियमित तौरा पर जागरूकता कार्यक्रमें दा सरिस्ता कीता जा'रदा ऐ तां जे डरैवरें ते कंडक्टरें गी शिड़क सुरक्षा सरबंधी नियमें, ट्रैफिक दे नियमें ते सावधानी कन्नै गड्डी चलाने दे महत्व बारे जानकार बनाया जाई सकै। इनें जागरूकता कार्यक्रमें दा मकसद शिड़क सुरक्षा सरबंधी नियमें दी पालमा जकीनी करना ऐ तां जे शिड़क हादसैं गी घट्ट कीता जाई सकै। इस्सै सिलसिले च मैहकमे आस्सेआ रामबन च इक कैप बह लोआया गेआ हा, जेह्दे च गड्डी चलाने आलें गी सावधानी कन्नै गड्डी चलाने दे महत्वबारे दस्सेआ गेआ। एह्दे अलावा मैहकमा अक्सर स्कूलें, कालेजें ते होरने संगठने कन्नै बी रलियै कम्म करदा ऐ तां जे शिड़क सुरक्षा आले संदेशें गी मते कोला मते लोकें तगर पजाया जाई सकै। इस बारे आकाशवाणी समाचार कन्नै गल्ल करदे होई एआरटीओ रामबन कुलदीप सिंह होरें आखेआ.....

<><><><><><>

IPL Cricket

आईपीएल 2025 दा फाइनल मैच अज्ज अहमदाबाद दे नरेन्द्र मोदी स्टेडियम च खेड्डेआ जाग। संजा साढ़े 7 बजे शुरू होने आले इस खताबी मकाबले च पंजाब किंग्स ते रॉयल चैलेंजर्स बेंगलुरु दियां टीमां आमने सामने होंगन। दौनें टीमें इस केह्ड़े सीजन च अपना शानदार प्रदर्शन दस्सेआ ऐ पर सजत पाटीदार दी अगुवाई आली रॉयल चैलेंजर्स बेंगलुरु टीम दे जित्तने दे मते कयास लाए जा'रदे न की जे इस टीम नै चंडीगढ़ च क्वालीफायर मैच च आमने सामने आली टीम गी 8एं विकटें कन्नै हराइयै फाइनल च अपनी थाहर पक्की कीती ही। तोआई पंजाब दी टीम नै बी क्वालीफायर मकाबले च मुंबई इंडियन्स दे खलाफ थहोई दी हार कोला उभारदे होई श्रेयस अय्यर दी 87 रंजें दी शानदार पारी दी बदोलत अपने पैहले आईपीएल खताब जित्तने दा सुखना जींदा रखे दा ऐ।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 ब'रें दे बश्कार ऐ ते ओह् कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ।

मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर—अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले—पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>